

陶

齋

臧

石

記

旬齋藏石記卷十四

後周

故韋可敦比丘尼法造象記

石高八寸廣二尺四分十一
行行十二三字不等正書

武成元年歲次己卯九月乙卯月廿八日甲午故韋可敦比丘尼
法衣鉢之餘放造弥勒石像一軀軌製聖姿瑩銜慈容切窮世巧
妙若真暉可謂樹鏡神途啓悟心夜體忘理原莫不咸益願此功
德冥資忘者誕悟深宗具二疋嚴乘平等慧夷照圓覺兼願國主
六道四生盡三世際同獲漏盡成无上道

右韋可敦不知何指疑為鮮卑語記中誤字如冥作冥亡作

忘周初用明克讓歷其九月乙卯朔故得與陳歷同也

甲午當
是壬午

李鸞熾造象記

石高一尺廣四寸
六分有側正書

保定九年六月

三日李鸞熾敬

願造石滌一司

為一切衆生普

共成仁

像主李平

為兩主父母

夏華

息源陀息僧陀

庫汙安洛造象記

石高七寸九分廣五寸首尾二
行刻兩側上中為四行正書

佛弟子庫汙安洛為

家內大小慈造世

石像乙區生身

世々宜佛聞渡脱三

走承受延年

天和二年歲次在丁亥九月十九日

右按魏書官氏志有庫狄氏庫氏無庫汗氏疑為狄之譌此記誤字如生作身塗作徒壽作受皆是澁乃古澁字

薛迴顯造觀世音像

佛座高二寸四分正面寬三寸右側寬五寸左側有字處寬四寸上刻佛像一軀記十五行行三字字徑五分正書

天和三年歲次戊子四月丙寅朔八日癸酉薛迴顯為

三父母造觀世音像已上刻佛座正面一區顛內外眷屬合門大小一

心供養已上刻佛座左側

右造象趙之謙補寰宇訪碑錄著錄所在未詳

嚴萇造象記

佛象殘缺並座高四寸許記周刻座之四面每方廣五寸許正書

天和四年歲次己丑正月辛卯朔廿三日佛弟子□□散養及妻
減割資財敬造况量厖一匝上為皇 陛下天龍八夏曠劫師僧
願法界眾生夜龍三舍早捨茲逢等戊正覺

深儒顛

妻楊熾章

散養

第四面有象二人對坐此
三行乃標題之字也

清信女造象記

石連象坐高一尺四寸廣四寸
北刻佛坐上七行如左正書

禾五年歲次庚寅

三月十日清信女

上為皇帝

以下七世父母及法界

匄齋減石記

卷十四

三

衆生敬造四面石像

二面佛十匝二面道人

匝回是功德者發善

右記年號蝕去一字下一字略存禾旁以庚寅紀年考之蓋
北周天和五年也清信女下缺蝕數字末一行亦漫滅

李芳造觀塔記

小觀塔高二寸三分圓徑三寸九分底徑一寸三分四面各佛
像一圓龕七行前三行行四字後四行行三字字雙二分正書
在佛像兩旁相間錫刻

天和五年己酉三月儀同三司佛□子李芳造佛一區香花共
右北周天和五年己酉三月儀同三司李芳造觀塔樓天和

五年歲在庚寅是年三月乙酉朔二十五日值己酉則此

塔當造於三月二十五日己酉其日干耳古造象有書月於

年前者

東魏李慧慈等造象十二月天平三年歲次丙辰

即亦可書日干於月前皆

變例也又按北周書建德四年改開府儀同三司為開府儀

同大將軍儀同三司為儀同大將軍天和五年為建德四年

之前五年揭銜稱儀同三司與當時官制政合

趙富洛等十八人造觀世音象記

石高六寸許廣三尺九寸並兩側題名共四十四行記文每行八字均正書

維天和六年歲次癸卯四月十五日邑師比丘曇貴像主趙富洛
合邑子十八人等敬造觀世音像一區上為天龍八部 帝主人

王師僧父母回緣眷屬法界眾生咸同斯福善成正覺

典錄李元緒

唯肥趙伯通

治律李誼暉

邑長李清照

化主釋軍將軍大中都督將軍龍德記室樂樂

邑日掃殿將軍武騎司馬李毛

邑主李延景

徵主趙富洛

邑師比丘曇貴

以上刻於記文之右

邑主劉法顯

道場主樂伯射

邑日趙廣略

化主步挑湯

邑長樂豐國

治律趙超達

唯肥趙師人

典□姚進□

以上刻於記文之左

邑子樂元國

邑子樂和國

邑子趙和旗

邑子李元熾

□□李暉茂

□□李和達

□□郭胡仁

□□肥宗和

□□趙元吉

以上碑右側

典坐樂道貴

行唯肥樂玉

香火李文暉

邑子李求貴

邑子樂仕祭

邑子趙和珮

邑子李子路

□子趙天生

□郭羅漢

以上碑左側

邵道生造象記

石正面高三寸二分廣五寸
一分兩側各廣三寸正書

夫法身死□假万像以開道聖知無心託心以惠物□佛弟子邵道生乃能仰尋經教即減割家珍為丘女寄女造像一區有願亡

女□託生方妙樂國土及法界眾生一時灰佛止德元年六月廿

日造言

右一面十行行七八字不
平年號別為一行行十字

像主前將軍左銀青光祿都督治思金郡守邵道生一心供養

妻楊金梳一心

右一面四行

亡女寄女一心供養

亡女夫項延僕一心

右二行側面

亡息景琮一心

息羊仁一心

右二行側面

右年號上一字似為建字建德周武帝年號也杜氏通典職官後周有左右金紫左右銀青光祿四大夫此云左銀青光祿與周制合都督謂散都督元和姓纂五支有治姓云出何氏纂要音遷通志氏族略平聲類有治亦云見何承天纂要魏書地形志有金城郡無金郡當奪去城字記文亦有奪字故也珍集韻音通都切為美玉名

贈車騎將軍時珍墓誌

石高一尺三寸許廣一尺六寸許十九行行十五字銘詞二行十六字正書

偽齊在京為荷玉釋褐辟任齊安成主倍贈車騎將軍時珽墓誌
君諱珽字麗實鉅饒苑鄉人也昔三才等呈五緯俱明瑩石磨不
彫懈鏤密似漢主之金陵像周王之玉室丘前復作明堂獸柱師
子符門選擇良工鑄成雅吐 君既才同太傅文類侍中未語含
珠流言繼玉英侔襪下之奇儒同泗上之美真是崔元對符主出
談無異張仲輔周王出說不悟偽齊武平七年歲次浣澣三月敷
精朔二十七日奄闕君春秋六十有八平於家廡即是金烏晝殞
玉兔宵淪穿殞光珠瑕殘弁環使和氏之與荆山隨侯之悲庶水
哀平喪臂痛何言哉至大周宣政元年歲次降樓十二月神祐朔
九日傳送始遷在靈柩塋於丘宇目即庠德刊銘勒誌其詞曰

粟生卓犖立志超羣智曉千門才逾萬頃火屋□常日車徒壑貴
朝雋遂奄窳丘井

碑於光緒辛巳秋出土於諸城之西古婁鄉前有尹彭壽識
小字一行通志氏族略齊有賢人時子著書見孟子新論有
時農廣韻良吏傳有時苗何氏姓苑云今鉅鹿人案苗漢建
安中為壽春令今玆亦籍鉅鹿殆即其後與玆歿於北齊至
齊滅後周人始取以葬誌為周人所作故斥齊為僞齊耳文
中語多不可曉如標題在京為荷玉釋福既不解為何語其
三才等是以下一段似言其墓制之美而語無著落竟不知
何屬觀文中復多用珠玉等字意玆固玉工與北齊官職有

隊主幢主戍主軍主等名戍主從七品又有戍副從八品二者北周亦有之姓卞之下或作弁漢書東方朔傳弁屐子為銜尉廣輿記卞山亦名弁山毛詩小弁漢書杜欽引作小卞蓋二字音同相通此作弁璞亦用卞和事也申曰浣漱武平七年歲在丙申而是年孟阿妃造象作歲次丁酉王氏昶已辨其誤觀此益可證矣降樓即降婁選當即選當即整蓋整上從敕敕亦作勅而束旁又變省作幸遂成慙耳偽俗裏字敦精神祐及吮庄二字未詳

比丘明像造觀世音像

石高二十六分寬七寸九行行三字字徑五分正書有基格

比丘明儀敬造觀世音仏一區佈為師僧父母一切衆生戍死二道甄德造佛羅漢像

石高一尺五寸六分寬一尺二寸四分上錫佛像一軀羅漢像二軀佛立正中雲端左右羅漢各一立蓮花上造像記在右下角四行行四字字徑七分正書

佛羅漢者本村甄德管刊人王得仙造記

造像著刊人姓名殊度見造佛像之匠謂之博士見摩利支天經得仙即博士矣

光胤等佛座題名

石高三十八分寬一尺五寸五分十行行三字至六字不等字徑六分鐘正書

孤子長男光胤次子光嗣阿亡翁阿婆蘇阿父和進阿母宋氏繼

母曹氏新婦張氏長孫居正次孫興哥

宛氏造不高佛殘像

佛像已故僅存佛座四層高七寸六分體第二層高一十四分寬三寸四分記刻其上五行行二字字徑六分正書

女弟子宛氏造不高佛

按南無不高佛見宋靈良耶舍譯三千諸佛名經卷中現在
賢劫千佛名經第四十四

造那犀那尊者像記

石高三寸二分寬二寸四分行六字七字不等字徑五分正書上鐫佛像一軀記在蓮座下左側

半度波山中第十二那犀那尊者眷屬一千二百大阿羅漢

右造象記第十二不作第雅而近古丞徒客作之筆不圖辨此

比丘智樹等造象記殘石

石象高一尺二寸六分坐高三寸六分廣六寸刻佛坐上六行正書

元年八月廿日

比丘智樹

比丘智表

比丘法海

為一切衆生敬

造觀世音像一軀

白景造象記

石高一寸八分廣約八寸十行三四字石等正書

□□八年□月廿六日白景造□世音像□區為一□法界衆□
於見在父母七□□□□□曰緣普同成佛

寧靖造象記殘石

石四圓缺裂凹凸互見不可以
尺度為依行摹之於左正書

寧靖

為三父母

二弟市

仕美

託生

方一時

成佛

孔道乘等造象姓名記

石高四寸五分廣一尺九分左下角有微
缺排列兩截上十五行下十四行正書

孔道乘 王光

孔王兒 榮好諸

孔憐 王要妃

孫長受 孔衛

王昨 張姜

孔万 朱振花

孔兒頭 李銀

孔迥

石容姜

孔道世

宋照殿

孔文敬

孫玉

孔業

孔足

孔市林

柳伏姬

孔暉

宋肇

孔噉鬼

馮吝□

孔明

邑老陽成法洪等造象姓名殘石

石高九寸廣一尺一寸排列兩
行正書
上十一行下十二行

色先陽成法洪

色□□神安

色先刀元智

色子樊洛龍

色先楊可醜

色子張洪智

維那解僧可

色子張雙仁

維那王黠仲

色子李小洛

維那張元狠

色子楊阿戶

色子韓始貴

色子安阿仰

色子侯珍保

色子潘阿山

色子馬豹子

色子郭榮宗

子伊木温

色子李壽樂

興

包于宋令明

子高遙樹

右按陽成獲姓廣額十四清成下云高祖功臣有陽成延今
檢漢書功臣表作陽城延城成古通

造象記殘石

石四面俱蝕不可以分寸
計依行錄之如左正書

戊干

律弟

為□

仁□

耶石

永上過

七世師

母 □ □

日同斯

比丘惠直等造象記

石高一尺七寸微強廣
三寸六分八行正書

比丘不王

比丘惠直

比丘法明

比丘□□

比丘道□

比丘道□

比丘惠□

比丘道□

右石其上並列四佛每佛下刻兩象對坐旁鐫比丘諸名漫漶多不可辨茲舉其能識者

張僧哲等造象記

石其上微缺高二尺二寸許廣約一尺五寸十四行行字如左正書

第七像主宋曇弁侍佛

第六像主劉遵義侍佛

第五像主菩薩主比丘僧暉侍佛

第四像主徐貳保侍佛

第三像主蓋始侍佛時

第二像主杜拔侍佛時

第一像主張僧哲侍佛時

右上第三層

佛弟子龐世遷侍佛

佛弟子權仲和侍佛

佛弟子宋九智侍佛

比丘惠時侍佛時

菩薩主比丘惠導

右上第四層

第八像主佛弟子吳韓他侍佛時

佛弟子孫慍賈侍佛時

右上兩旁

右石上層列佛象三坐蝕裂存其半身其下三層四層諸像
主弟子侍佛其側皆有佛像與武定元年道俗九十人等造

象記同

造象殘記

石象高一尺三寸四分坐
高二寸五分廣六寸正書

世中直生

西方妙樂

國土

見佛

聞

法

自誠

宿命

取願

女 □

右石應泐其一面記文凹處語皆相續其下恐有佛象非闕
蝕也

高亭為二字造象

石廣七寸六分高四寸三分四行正書

高亭為二字造像

高子昂供養

高子昂供養

一軀普為一切一時成佛

右鐫其二子象東西相對各跏其一足為供養之狀中刻蓮
華坐說文亭小篆作高此之亭字疑為亭字俗寫致謫昂亦

應作昂方與昇義相配

路斯紫北朝臺字多作臺字又臺之誤耳

比丘曇利等造象

石四面開缺如魚齒高約五寸許廣一尺四寸許十八行字數不等正書

月戊辰□□□敬造定光像仰為帝主師僧亡過現存波及衆生成同斯福

□主比丘曇利 光明主宰妃 維那比丘僧吉 比丘惠振

比丘曇春 比丘道才 成信天 維那孔曇霄 維那史道安

孔懷禧 孫阿洛 張僧陽

右缺其首一行國號年月皆無所據然亦北朝物也諸造象記言普及并及後及此獨言波及偶與左氏合波古讀為播

周禮言散及也北朝婦人以妃為名人多謂其僭按漢郭輔碑有娥娥三妃之語蓋謂其三女則其由來久矣

片雀造象記

石正面造象高七寸八分廣六寸三分記刻側面廣二寸四分正書

片雀為亡

□

似婦

□

羅攷

下缺

區緣此

□

似厥家

□

□

□

下缺

反心妙樂超過俗綱

下缺

右首一字疑為周次字為觀為歡俱不能定反心疑為長遠

說文通字自作遠也

王柴等造象記

石高一尺二寸三分
下廣九寸四分正書

七世祖王柴

造釋加先尼

六世祖王野胡

像一區

五世祖王額

二世祖王神興

養

興弟王神貴

□乞德

次弟王紹和

萬孫

次弟王興樹

以上是
上層

興息王他奴

興息王先

興息王阿醜

興姓王元禮

魏子名長□

孫子名長謙

名長武

以上是
下層

右刻无尼即牟尼无牟一聲之轉紹疑為紹次作次孫作魏
皆謄謬

張洪造象殘石

石殘缺
不具正書

元父參軍

右題於造象上首

佛弟子張洪先

右題於象之下首共二象

劉文念造象記

石廣三寸九分高二寸四分五分行正書

弟子劉文念為亡父造石像一匝

旬齋藏石記卷十五

隋一

楊元伯妻邵葬專

專長八十五分廣
四十一分正書

開皇二年十二月六日

楊元伯妻邵貼

□□□□□□□□

右專其弟三行似尚有字尋其文義未斷蓋亦葬專也

佛弟子□□□□一百人等造碑象記

石高二尺零三分廣一尺二寸上象下記十三行行十字兩側
題名並正書

若夫備功達德道俗所歸自非育王湧塔何者廣殖福田是以佛
弟子□□□一百人等宿解善空將知未來難際錫磨鑿錫敬造
碑像一區上有七佛八菩薩下瀕釋迦思惟其裏衆花乱蕪雜色
同姿乃觀乃囑實亦妙奇仰願 皇帝陛下萬國安甯師僧父母
法界有形俱同正覺

孜孜大道無識無真觀慈三善登彼化城

開皇三年□□癸卯四月丁卯朔十五日辛下於此年月一行刻
左則與前文相

邑子 馬要娘邑子□□□ 邑子宋二□

邑子諸葛要女邑子□□□ 邑子□□□

邑子田間好 邑子郭愛妃 邑子尹阿匡

邑子王先妃
邑子孫阿照
邑子李樹姬

像齋主呂羅漢邑子張朋好
邑子郭外暉

長威弟羅伽邑子張清陵
邑子孫孃子

長羅邑子張作嬰
邑子徐无妨

以上右側

加 □ □ □

□ □ □ □ □ □ □ □ □ □

光明主 □ □ □ □ □ □ □ □ □ □

比丘僧道

光明主呂曇照
比丘法明

女 王息求貴

比丘僧□

以上左側

元英墓誌銘

有蓋

石高廣各一尺三寸八分十八行行十八字正書

故潁州別駕元洪雋墓誌大通開皇五年十月一日合塋行書蓋
君諱英字洪雋河南洛陽人魏昭成六世孫也體道幽深識同水
鏡立性儉約不居奢侈年十八奉朝請晨陪秘閣夕拜□門除
州錄□□軍□□□正軒吏屏跡州將知其節□表為別駕□□
上□民多五袴哥謠□□被雋世口周文王之戴叔穎子產之相
鄭天道非恒盛稟迺昊天不弔殲枉良拒年七十一卒於黃曰

村裏馬氏父令珍青州刺史第二女字霽香年十三歸於元氏四
德激然明解進訓年卅六卒在新城蘭摧朱夏落櫓方秋合塋噎
奠嶺□詞曰

朝風颭之夕鳥依二松楊獨吟人路方稀如何曉曉作此長離九
泉一臥再起無期

親勿預川州斷鬼路方凋無言墨像詎覺春秋獲帝□下鳥悲樹
頭窮泉掩蔽只恨長笛

□圖阮嚴在氣方飽堦庭無問身名乃賊睨顏□明春茂冬折鳴
呼永去哀哉長竭

□對筆日虛看朗月行漢幽泉非關胡越骨□□□□消歇尋

思永歎何言□□

誌稱英為魏昭成六世孫紫昭成即什翼捷也什翼捷當東晉中葉至隋二百餘年以六世計之歷年可謂久遠魏自徙都洛陽宗室子孫必多居都城英之為洛陽人則未隨孝靜東遷者也朝代年月誌文皆不載幸其蓋尚存得不滋後人之疑蓋署潁州別駕則誌中除錄事參軍州上一字泐存頁旁亦必頽字也歌謠之歌作哥與唐究公頌絃哥汁□作哥字正同案說文哥聲也古文以為譌字廣韻哥古歌字然則此誌正用古文非俗體也前漢藝文志哥永言唐書劉禹錫傳屈原作九哥舊亦皆作哥字今本則多改作歌矣感下當

是衰字

字形小異音是

連下當是往字通即周而之而有循

環之義則以盛衰而往為句於義似通文王上論文義當是

同字與下類字為對而碑實作周字戴殷即戴殷禮戴青旂

詩戴弁俶俶音義均音戴與戴同類形近類然恐當作類字

讀

錫齡案皇甫弘敬基誌行旅不哥司馬與誌別字
註哥司榕卿杜夫人誌而短哥之可作狀此作哥

樊尚造象記

石高八寸上廣三寸六分下四寸六分正面三象平列記刻背
面下截至合象二字止值佛以下移刻像足減之正書

開皇七年歲次丁未二月丙午廿日甲戌佛弟子樊尚為月言信

造釋加像一區成并二亡陪願合家值佛聞法弥勒下屆願及私

首得如此福

案二月不應建丙午當是丙午朔脫寫朔字耳但既為丙午朔則三十日當為乙亥若三十日甲戌則當為乙巳朔二者必有一誤信上當是身善二字二亡下當是陪字二亡謂亡父母蓋佛象居中父母則陪列左右也初首即黎首

王蘭菟造象殘石

拓高二分十四行正書

開皇八年八月八日為一功衆生內外眷屬普同成仙第王蘭菟妻步漬媪 以上一面

息王定周妻張僧妃息拔孫息伏人 以上一面

息拔艾息女玉容 以上一面

邛元叙造象記

石高一十五分廣四十二分
二行行五十四字不等有刻五書

開皇八年九月四日仙弟子邛子悅康存之日身遺言信息元叙
為亡父敬造玉象一堪又願見存家口平安所為如是

右邛似邛字悅似悅字應由其子元叙追思其父以造此象
所云康存之日身遺言信當可稱也

管妃造釋迦像

石造佛像一尊高一尺四寸五分佛座高三寸五分
刻佛像一尊高一尺四寸五分佛座高三寸五分

開皇九年三月廿三日清信女管妃為亡夫郭遵道教造釋迦像
一區壯亡者託生淨土見存者利苦得樂法界眾生同登正覺

張僧殷墓銘

石高七寸一分寬七寸七分行七字字徑八分分書有基格

大隋開皇九年歲次己酉十月廿四日相州武安縣故人張僧殷授洪州刺史息潘慶騎兵悉軍卒在武安縣東南一里之墓銘

右隋張僧殷洎息潘慶合葬之墓銘也按梁玉繩誌銘廣例父子共一碑例凡五一漢鄭固碑大男孟子共墳配食一唐葉有道碑兼叙其子慧明其三竝宋已後碑余所感石北魏賈瑾墓誌其嗣子晶亦附於父墓与此墓銘竝在唐已前尤當舉以為例

耿旭為亡夫造象記

石高四寸四分廣六寸三分
九行行八十字不字五十三分

開皇□□歲次已酉十一月廿三日仙弟子耿旭為亡夫陳昭敬
造觀音大世至菩薩二軀今象成就氣願亡者面觀諸仙及家口
平安六道四生普同今福弟子陳□同此功德敬□

右開皇下二字蝕去以歲已酉考之蓋開皇九年也軀作軀
者區丘雙聲漢書儒林傳丘蓋不言荀子大略篇作區蓋義
得相通得與德古亦通用古乞字作气觀音大世至菩薩佛
經作大勢至觀無量壽佛經有觀世音菩薩大勢至菩薩是
也

比丘尼□捨造象記

匄齋藏石記

卷十五

六

石像正觀 毀記刻於座及兩側座亦缺損高一寸八分廣四寸

大隋開皇十二年五月八日 丘尼□捨心□為亡□母敬□玉
像一區

僧璨皖公山塔記

塔高四寸九分寬三寸六分厚一寸二分
六字字徑五分弱有基格左側記年一行八字
書軌頂刻五五衆式及回紋蕉葉紋右側所刻
類不甚晰不可識

大隋開皇十二年七月僧璨大士隱化於舒之皖公山岫結塔供
養道信為記 右五行在正面

大隋開皇十二年 右一行在左側

按五燈會元東土祖師章次三祖僧璨大師初以白衣謁二

祖既受度傳法隱於舒州皖公山至隋開皇十二年四祖道
信大師年始十四來禮祖服勞九載後于吉州受戒祖屢試
以玄敝乃付衣法祖即遁羅浮山優游二載卻還舊址逾月
士民奔趨大設檀供祖為四衆廣宣心要訖於法會大樹下
合掌立終即隋煬帝大業二年十月十五日也此塔記作於
四祖禮謁之年曰隱化者謂隱居山岫化導衆生耳結塔供
養謂供養諸佛此塔記關係兩代傳法掌故兼製作精美書
款秀整真鴻瑤也五五泉李佐賢古泉匯列不知時代品据
此塔記知開皇時行用矣 按隱化化字若作怛化解則以
五燈會元證之年歲不合會元三祖章次云初以白衣謁二

祖既受度傳法隱于舒州之皖公山屬後周武帝破滅佛法
祖往來太湖縣司空山居無常處積十餘載時人無能知者
据此則隱化二字當作隱居行化解無疑是時隨革周命苛
禁甫除宗風未竭佛教尚宗本不求顯曰隱化者殆承三祖
之徽指歟矧塔記云云略無傷痛之意曰結塔供養沒非威
嚴之塔可知無庸誤解化字而以年歲為疑也宋王象之與
地碑記目安慶府有山谷寺璨大師碑銘唐寶應元年房琯
文徐浩書三祖大師碑陰記唐咸通二年張彥遠撰山谷寺
三祖大師偈唐御史中丞包佶撰建中三年立惜不能尋拓
本與塔記互參也

素璨之名傳燈錄作燦大證圭峯兩碑皆作璨此記出其
弟子手而亦作璨足資訂誤惟璨既卒於大業中而竟於
生存時直斥師名亦不可解龔錫齡附記

田胡仁造老君像座

石高二寸三分寬八寸二分十三行行四字字徑五分正書

開皇十二年十一月廿八日道民田胡仁為七世父母所生父母
因業造石先君一區願合家大小願得同循十地壽同菩提□□
阿康

按武億寶豐金石志白雀寺造像殘碑跋云碑在白雀寺大
殿前無年代有稱道民大都宮主馮寄名字獨顯大又有道

民及下世道民下世女道民諸號它碑不見此蓋魏參開殘石也与此造像田胡仁稱道民政合曰是因之省文省作曰遞省作曰

謹按北齊馬天祥等造象記王氏四人皆稱道民間帖中有晉謝太傅一帖亦自稱道民安是道民之稱由來已久又不始於魏齊間也龔錫齡附記

皇甫鳳詳造象記

石象高六寸七分坐高三寸廣九寸五分
記刻佛坐上十三行行四五字不計正書

開皇十二年仙弟子皇甫鳳詳在石豆堪仁似令人焦晚地得外營兵口一百廿詳分得十至佛前於令小兒阿嵩患卜問公歸

乃為得錢妻棺分為錢主願造象一壇

右語多不可解其意似得非分之錢兒遺病時卜問公師以為不祥乃造象為錢主徵福公師當為巫覡之類妻即妻字
棺疑為誓

張伏保造彌勒像

石高一尺六寸三分寬七寸五分佛座高一寸三分十行行三字字徑四分五分書上鐫佛像一軀

開皇十四年歲在甲寅二月五日弘弟子張伏保為父造彌勒像

一區像下空二字一區上空一字

劉醜親造象殘石

石高四寸一分廣八寸六分九行行五字五寸

四□□次甲寅十月十三日重修佛弟子劉醜觀為亡息阿臬敬造定光佛一軀上為國王帝主又為師僧一切

右缺首一行年號次行之首當是四年歲次甲寅攷北朝年號於四年當甲寅歲者惟後魏孝文帝之延興四年其時佞佛之風既未盛行而書跡亦不類此後則隋開皇十四年亦為甲寅歲此象之造當在是時以每行五字計之則首行所缺乃大隋開皇十五字也

翠賓墓誌

石高一尺六寸七分寬一尺六寸二分三十一行行三十二字

周縣尉□□右光祿大夫雲陽縣開國男翠君墓誌銘

公諱賓字客卿張掖永平人也自壽丘之山仰雲照三星之色襄
城之野童子為七聖之師繼結傳賢肇終古而長懸垂陰擢本歷
寒暑而流芳曾祖澄西河鼎望行滿卿閭後涼召拜中書侍郎遠
威將軍王門太守屬涼王無諱擁戶北遷士女波流生民塗炭乃
與燉煌公李保立義歸誠魏太武皇帝深加禮辟授使持節大鴻
臚散騎常侍高昌張掖二郡太守封永平侯贈涼州刺史祖幼文
西平鎮將孝天慶汝南太守政脩奇績世襲茅土州閭畏憚豪右
敬推家享孝子之名朝捐良臣之譽門稱通德里号歸仁公惟岳
惟神克岐克蕤幼而卓尔爽慧生知長則風雲英聲自遠永安二
年從隴西王尔朱天光入關任中兵參軍内汝機籌外控軍要除

平東將軍太中大夫周大祖龔定關河公則功參草創沙苑苦戰
勲冠三軍封雲陽縣男邑五百戶大統十七年除岐州陳倉令周
二年除敷州中部郡守歷居宰莅民慶來菴野有三異之祥嗣承
九里之潤保定二年授司土上士四年遷下大夫濟濟錯錯允具
瞻之望兢兢寥寥見匪躬之節天和二年授驃騎將軍右光祿大
夫四年任豫州長史別駕駸駸足起千里之清塵鬱鬱鳳林灑
三春之德澤君子仰其風猷小人懲其威化諒人物之指南寔明
君之魚水俄以其年十二月邁疾薨於京第春秋五十有五夫人
許昌陳氏開府儀同金紫光祿大夫岐州使君西都公豐德之長
女也繇翔飛鳳則四世其昌天聚德星則三君顯号清音展響與

金石而鎗鏘秀嶺奇峯隨風雲而縈鬱夫人寶光婺采粟教嚴闈
淵慎內和容言外皎高門儼德君子好逌保定元年先從朝露春
秋卅五為仁難恃天無獨善之徵樹德遂孤神闕聰明之鑒唱隨
依項相繼云亡逝者如斯嗚呼何已公夫人之即世也時鐘金革
齊秦交爭車軌未并主祭幼冲且隨摧塵今世子營州總管司馬
武陽男志次子右勳衛大都督上洪男宣運屬昌朝宦成名思
起慕我心經霜露攀風枝而永慟哀二親之不待陟岵此而長孺
痛百身之因贖乃以今開皇十五年歲次乙卯十月丙戌朔廿四
日己酉奉曆於雍州始平縣孝義鄉永豐里高岸為谷愚公啓王
屋之山深谷為陵三州塞長河之水懼此賀遠故以陳諸石鏡銘

曰白帝朱宣寔與金天西河良將張掖開邊承暉接響世挺英賢
賢哉上詰時之人傑夏雨春風松心竹節肅寺霜嚴清同水潔司
戎幕府作守敷陽理歸河朔瑤見陳倉大夫濟濟士實錯錯文龜
玉印紫綬金章首僚驥足耀此龍光必齊之姜必宗之子儼德高
門以榮桃李行滿婦歲聲揚女史春秋代序春非昔春閱人成世
世不常人精華已矣空想芳塵晷日但逝時屬志窮蒿里尚隔黃
泉未通孝子惟孝道遠追終卜茲玄宅穴此幽宮山浮苦霧樹歎
悲風流水壘水上月凝空悠悠自古冥冥昏塵

嘉慶己卯四月偃師段嘉謨訪出此石於武功之南鄉移至縣
署大堂南海吳榮光觀并記

銘云孝于惟孝論語書云孝乎惟孝友于兄弟漢石經及皇侃
本孝乎皆作孝于此銘亦用古本可見乎字改在隋後矣又云
樹勲悲風勲當作動又云冥冥皆塵與上東韻不叶塵當是同
字之謬古誌石華

右周鞏賓墓志叙賓之曾祖澄後涼召拜中書侍郎建威將軍
玉門太守屬涼王無諱權戶北遷士女波流生民塗炭乃與燉
煌公李保立義歸誠魏太武皇帝深加禮辟云云以魏書攷之
沮渠蒙遜據張掖魏世祖神麴四年拜為涼王蒙遜死子牧健
漢書作茂為魏所滅策拜其弟酒泉太守無諱為征西大將軍涼
州牧酒泉王後遣鎮南將軍奚春討之無諱奔走遂渡流沙士

卒渴死大半無諱後據鄒善又并高昌病死

梁書胡無諱據尚
書稱王一則而試

李保者後梁李嵩之孫後梁為沮渠蒙遜所滅保奔伊吾臣于
蠕蠕後無諱遁走保南歸燉煌復先業奉表歸魏世祖授保使
持節侍中都督西垂諸軍事征西大將軍開府儀同三司領護
西戎校尉沙州牧燉煌公李保史有傳保傳作寶志又敘寶永
安二年隴西王尔朱天光入關者攷史傳尔朱天光乃尔朱榮
從祖兄子万俟醜奴傳蓋魏除天光雍州刺史以封醜奴破擒
之關中平莊帝遣爵為廣宗王尔朱榮死尔朱世隆等推太原
太守行并州事元暉為主乃以天光為隴西王皆與史合惟本
紀載天光封醜奴平關中事于永安三年此作二年為異碑又

有周太祖奮定關河公則功參草創沙苑苦戰勳冠三軍云云
攷周書本紀魏大統三年周太祖錄尚書事引軍入關齊神武
率眾渡河太祖造浮橋于渭南冬十月壬辰至沙苑齊神武
軍來會遂進軍合戰大破之斬六千餘級降二萬餘人齊神武
夜遁追至河上復大克虜其卒七萬留甲士二萬餘悉縱歸收
其輜重兵甲獻俘長安即碑云沙苑苦戰之事也碑敘賓厯官
岐州陳倉令除敷州中部郡守司土上士下大夫授縣騎將軍
右光祿大夫任豫州長史別駕攷司土上士之名不見于魏書
官氏志而隋書百官志載周太祖所改官制及周書盧辯傳亦
止有上士中士下士之目皆不詳司土上士賴此刻傳之實與

澄兩世俱為顯官而史皆無傳且據志謂賓沙苑苦戰勲冠三
軍而史亦無一語及之又賓之子志與甯仕隋一為營州總管
司馬武陽男一為右勳衛大都督上洪男隋史亦皆無可攷史
之漏略固不少亦人之顯晦有幸有不幸耶此志文辭楚：可
觀字亦不甚俗且首尾完善銘詞孝于惟孝句本論語書云孝
乎惟孝友于兄弟也孝乎之乎漢石經及皇侃義疏陸德明釋
文俱作于義疏曰于於也惟孝謂惟令盡于孝也又集解包咸
曰孝乎惟孝美大孝之詞此銘乎作于又以惟孝斷句與潘岳
閒居賦同足徵隋人此文于尚未作乎亦以惟孝斷句矣惠徵
君棟為後儒據晉世所出君陳篇改孝于為乎以惟孝屬下句

恐未盡然據此文乎作于疑今論語注作乎亦後人所改又攷漢書王莽傳皆曰友于兄弟亦是漢人以惟孝為句讀之一證閻氏尚書古文疏證云案虞山錢尚書家藏淳熙九經本點斷句讀號稱精審亦以孝乎四字為句先是張耒淮陽郡黃氏友于泉銘曰孝乎惟孝友于兄弟張齊賢承真宗命撰弟子贊曰孝乎惟孝曾子稱焉太平御覽引論語曰孝乎惟孝友于兄弟唐王利貞幽州石浮圖頌曰孝乎惟孝忠為令德梁元帝劉孝綽墓志銘曰孝乎惟孝與武陵王書曰友于兄弟則知改從君陳篇讀者自朱子始書益稷懋遷有無化居懋遷尚書大傳作貿遷此文有懼此貿遷之語攷三蒼及小爾雅後漢書章懷注

並云貿易也易與變同義蓋以貿遷為變遷也說文寶古文寤而廣韻玉篇直作瑤又保與寶通易繫詞聖人之大寶曰位孟喜本作保史記周本紀展九鼎保玉集解引徐廣曰保一作寶春秋左氏傳盜竊寶王大弓公羊傳作保保古文保字保倂形近故春秋莊公六年齊人來歸衛寶寶誤為倂此志文稱李寶作保銘詞寶見陳倉作瑤亦皆與古合又龕定關河之龕似借為戡亂之戡魏齊造像記龕主有作堪主者堪與戡皆從甚得聲故戡堪皆可與龕通借惟樹勳悲風之勳當為動而多四點作勳則聲義俱別未見有通用者其揖作捐惠作悒苑作苑瘞作瘞纏作纏攀作攀箴作箴皆當時別體字

古泉山館金石文

按志輩賓曾祖澄始仕北涼及沮渠無諱北遷乃與燉煌公李保歸誠於魏李保史皆作李寶魏書李寶傳世祖討沮渠無諱於燉煌寶遣弟懷達奉表歸誠授使持節侍中都督西垂諸軍事鎮西大將軍開府儀同三司領護西戎校尉沙州牧燉煌公通鑑元嘉十九年四月沮渠無諱將萬餘家奔燉煌西就其弟安周據鄯善其士卒經流沙渴死大半李寶自伊吾入據燉煌繕脩城府安集故民九月無諱據高昌李寶奉表平城魏以寶都督西垂軍事云云誌稱涼王無諱植戶北遷生民塗炭燉煌公李保立義歸誠與史悉合惟輩澄之名不見於史耳北魏孝莊永安二年為梁武中大通元年是年六月魏以尔朱天光爲

并肆等九州行臺仍行并州事天光至晉陽分部約勒所部皆
安誌稱從天光入關正指此也周太祖龍定關河沙苑苦戰謂
大統十六年宇文泰伐齊之役龍與戰同楊子方言劉龍南陽
是也沙苑即今同州之沙苑周二年者明帝宇文毓二年為陳
武永定二年後梁天定四年北齊天保九年時周末建年號次
年始號武成也周天和四年年五十有五則生於北魏延昌四
年為梁武天監十四年永安二年入關時年十五大統十七年
年三十有七周二年年四十有四保定二年年四十有八天和
二年年五十有三夫人陳氏以保定元年即世年四十五則生
於北魏熙平元年少公二歲自周天和四年至隋開皇十五年

凡越二十七年始得柶厝雍州始平縣即今西安府興平縣孝

子惟孝本漢石經論語此石嘉慶中出土偃師段襄亭

嘉慶時

宰乾州之武功購得之武功與興平接壤也

陸耀通金石錄

按吳氏榮光云嘉慶己卯偃師段嘉謨得於武功縣南鄉士端
謂碑云龕定乃戡之段藉字册府元龜引戡定作龕定又銘云
孝子惟孝依論語何晏集解讀

朱士瑞宜祿堂收感金石記

右墓誌補實字訪碑錄金石粹編補目並箸錄舊在武功縣
署補目云在長安誤据金石續編有額題周縣騎將軍鞏君
墓誌九字篆書今已佚戡定作龕定梁書劉峻辨命論而武
者觀湯武之龍躍謂龕亂在神功文選辨命論李善注引墨

子曰夏桀時天乃命湯於鑿宮有神來告曰夏德大亂往攻之子必使汝大戡之商王紂時周武王見三神曰子既沈清殷紂于酒德矣攻之子必使汝大戡之以戡釋龜而無異詞是龜即戡也南史書極湖龜纂謝靈運述祖德詩序大元中王父龜定淮南又詩龜纂資神理謝元暉詩西龜收組練皆用龜為戡質遽作變遽用與唐咸亨三年張祖墓誌陵谷質遽同銘詞末句冥冥皆塵黃跋謂塵字非均當是同誤塵同形聲竝異殊無致誤之由真東古均通叶詩召男池之竭矣不云自殞與下不云自中職兄斯弘不裁我躬叶是其確證又漢書禮樂志郊祀歌兆蒙祉福即兆民也民可作蒙即塵

可叶東又周禮冬官攷工記梓人張皮侯而棲鵠則春以功
注春讀為蠶作也出也北音讀蠶若充上聲亦真與東可以
通叶之證此誌銘末塵字讀若荒隆反與上悲風凝空叶誌
出北方於北音尤合黃云塵當作同殊嫌武斷誌云鞏君曆
於雍州始平縣孝義鄉隋書地理志京兆郡統縣二十三始
平四武功始平與武功壤相錯也長安志載武功縣唐鄉名
四其四曰義門鄉而無孝義鄉之名唯云孝義臺在縣北二
十里義門鄉疑唐名義門鄉者隋名孝義鄉矣不曰京兆始
平縣而曰雍州始平縣者鞏君未嘗仕隋誌內唯卒年書隋
年餘俱從周標題既冠周朝地名亦從周舊古時文無忌諱

有趙兩朝墓額仍稱故國者

魏漢石府君墓誌及在

北後世

一經改步輒於勝朝諱莫如深若明初至諱元年為原年何其隘也誌末刻段嘉謨獲石題記陸心源金石學錄補段嘉謨號襄亭偃師人嘉道間宰武功輯武功所有碑碣及家威銅器為金石一隅錄首載嘉慶二十四年邑人掘土所得北周縣將將軍鞏賓墓誌又于學宮廢碑中收獲李北海書任令則碑以長安市上收得唐吳達墓誌置之縣署皆自來金石書所未載者

劉明夫人梁以合葬墓誌

石高一尺二寸九分弱寬一尺二寸七分十分八行十五字之八行十五字之下有

圖九如漢碑之有字數徑二十五分損失十二字

奉車都尉振威將軍淮南縣令劉世榮墓誌銘

君諱明字世榮徐州彭城人也祖德遠為葭安鎮都將邵陽侯雍
州刺史京兆公父恩左將軍武邑太守郢州刺史治績高身名上
達君藝同三肅業等二龍茂德選馳芳風遠播起家授奉車都尉
振威將軍淮南縣令夫人梁氏珪璋等質三禮幸循金玉其心四
德咸備式遵大範抗懷劉門內則洪昭母儀克舉弘善少祐皇辟
先終蜚慶崇文三移斷織豈期逝川不捨過隙弗停遂若夜舟忽
如朝露春秋九十四大隋開皇十八年終平□□□□戊午五月
辛未朔二日壬申合塋於□□□□山移海運栢翳墳頽勒石鐫

文誌于□□□□衰歿乃為銘曰多藝匡君多才輔國道成世範
仁為土則外陳六行內懷三德景績弘昭嘉音垂勒其一

寶葉瓊枝芳猷並馳整孺四紀誠訓三移金烏且上玉菟爾垂玄
門將掩勒記於斯其一

孝子景嵩孝子林兒

右墓誌劉君揭銜淮南縣令按隋書地理志有淮南郡無淮
南縣唯魏書地形志有淮南縣屬霍州淮南郡據誌隋亦有
淮南縣是否即拓拔舊置弗可攷誌云劉君徐州彭城人地
理志彭城郡徐州舊置統縣十一首彭城太平寰宇記隋大業
三年改徐州為彭城郡誌作於開皇戊午故猶稱徐州彭城

長安長字作萇與西魏岐法起造像記無病萇年東魏司馬
昇墓誌銘萇歸黃泉敬史君碑陰萇社令竝同又北魏肅
等造像記清信士史萇受萇即長萇寫作萇尤與誌合抗儼
即伉儼才菊卜菊卜菊古字通用擬即儼技即伎惣即惣
即悅此才菊卜菊互用之證漢劉寬碑侷浮雲之志揚君石門
頌深執忠伉竝以伉為抗特點画又稍變耳漢碑伉抗多通
用仁為土則士作土與漢韓勅造孔廟禮器碑四方土仁碑
陰其人冢土又冢土魯劉靜史農祠孔廟奏銘百辟卿土史
農後碑處土孔寢文禮華山亭碑卿土百辟石門頌土庶悅

雍武梁祠堂画像處土武氏石闕銘土女憊傷竝同銘詞王
兔兔字作菟漢唐扶頌白菟紫鳩唐阿史那忠碑劉元菟之
遊魂菟與菟菟亦點画絲簡少異目兔寫作菟見於戴籍甚
鏗詩周南兔置釋文作菟云菟又作兔史記司馬相如傳掩
菟麟鹿漢書賈誼傳不搏反寇而搏畜菟楚辭天問顧菟在
腹劉向說苑見菟而顧屬則無失菟矣竝用菟作兔肅垂即
宵垂音近相段藉猶一夕作一昔左傳末夕至作昔至莊子
論亦同音借用也錫於劉君終問皇年九十四其起家為
錄今必在隋前不必因此疑隋有淮南縣

莞德讚妻杜氏墓誌

高九寸五分寬行四寸五分半十二面刻一兩一行四字字徑二
寸五分一面五行行十二字至十五字不等字徑七分有直格

並正書

苑氏妻杜

□□□□九季歲次己未十二月壬辰朔廿九日 相州相縣
輔和卿長金遵下儀同府前叅軍苑德讚妻杜□生今月廿三日
亡於里內東王左村殯於村西二里北生男字父彥

右墓孰年號故泐以九年歲次己未十二月壬辰朔攷之隋
開皇十九年歲在己未据通鑑目錄是年十二月壬辰朔則
此墓孰迺開皇十九年作也細察字體亦合姓氏書有宛姓
苑姓無苑姓唯王氏有苑姓亦奇姓也鄉長隋官名
唐書劉義節傳大業末補晉陽鄉長蓋市長里正族正並隋官名

之類輔和卿長金遵下云云猶今八旗人稱某名佐領下是
古制与今合者

錫齡案廣韻十三凡有范姓引齊大夫范何
志是范仲元別體筆書范沙范作沙范可證

開皇敕文

敕例高一尺一寸寬二寸字徑一寸八分正書陽文

開皇十下泐

開皇造象

石高五寸三分廣四寸二分正面及兩側各一象記刻於後
正書字悉漫滅惟首行似有開皇□年九月字後有合門二
字又似有眷屬及一匚字

匄齋藏石記卷十六

隋二 伍 鄭附

青州舍利塔下銘殘石

石高二尺二寸四分廣二尺五寸右下角
缺亦連尺許大字十行小字四行分書

舍利塔下銘

維大隋仁壽元年歲次辛酉十

月辛亥朔十五日乙丑

皇帝普為一切法界幽顯生靈

謹於青州逢山縣勝福寺奉

舍利敬造靈塔願 太祖國

皇帝元明皇后皇帝皇后

子諸王子孫等并內外群官

及民庶六道三塗人

生世世值佛聞法

升妙果

勅使大德僧智能 長史邢祖俊

侍者曇誓 司馬李信則

侍者善才 錄事參軍丘

勅使羽騎尉李德謨司功參軍

右石著錄於阮文達山左金石志及王少司寇金石萃編萃

編纂其全文後有書人孟弼名錢少詹及述庵文達尚見之此則泐去右角殊為可惜謹依萃編用小字補其全文而外作方□界之以示區別阮王兩公均言有正書額舍利塔下之銘六字今亦失去阮云石在益都縣城南廣福寺又據段赤亭云寺在隋時名勝福內有宋殘石幢作廣福其地在隋屬臨朐齊乘云漢置臨朐縣屬齊郡以縣東朐山取名晉省入昌國縣隋開皇六年改為逢山大業初仍改臨朐碑銘曰逢山即臨朐也今隸益都錢少詹金石文字跋尾云王邵撰舍利感應記曰青州於勝福寺起塔掘基深五尺遇磐石自然成大函因而用之及舍利將入瓶內有光乍上乍下即謂

此塔也按唐沙門南敘重藏舍利塔記云隋仁壽二年正月
勅天下大州一百處置舍利塔錢氏言是歲分送舍利之州
凡三十不特青州與同州也二銘文既同則諸州胥視此矣
按同州舍利塔銘與此文同故錢氏云如此然錢氏不知有仁壽二年大州一百
建塔之舉畢氏中州金石記及萃編所載鄧州舍利塔下銘
即仁壽二年造也此銘次辛酉萃編遺去次字隋書高祖
紀開皇元年追尊皇考為武元皇帝皇妣為元明皇后王后
獨孤氏為皇后王太子勇為皇太子錢氏據廣宏明集仁壽
元年詔宜請沙門三十人諳解法相兼堪宣導者各將侍者
二人並散官各一人分道送舍利往前件諸州起塔此銘後

大德僧一人侍者二人與詔合勅使李德謀即散官之一此
銘字結體甚方張杞園錢少詹皆云八分書王少司寇言隸
書阮文達言正書稍兼隸法今從張錢兩家定為八分云

僧介□等造彌陀象

石高九寸二分廣寬九寸八分僅十一行行十字字徑五分僅
正書有基格

大循大業元年歲次乙酉二月廿大日沙門僧介□諸姓邑人等
合用錢百萬有餘造彌陀大象五區舉高一丈八尺置在鄉城西
南二里李仲七寺并埋舍利函內七寶下復有函寶顛代代紹隆
護持莫犯悉皆成佛趙趙越越錄書謹上齊錄事叅軍劉僧顯御史
章狄德貶銜記銘末劫

右造象記云趙超越隸書謹上自來造象之文除豐碑鉅製外具書人姓名者絕少正書而曰隸書宋黃公紹韻會舉要引項氏家說程迥可久辨隸書曰周興嗣千文杜彙鍾隸蕭子雲啟云論草隸法逸少不及元常子敬不及逸少任玠五體序云隸則義獻鍾庾歐虞顏柳八分則酌乎篆隸之間者也書苑云蔡文姬言割程隸字八分取二分割李篆字二分取八分於是為八分書以諸家參之則今之稱隸者八分書也古之稱隸者真書行書也唐與國初竝無此誤自歐陽棣舞已來始誤故少游遂疑程邈帖不當為小楷疑非秦書蓋不知先有真書後有八分書也又按唐六典校書郎正字所

掌字體有五一古文二大篆皆不用三曰小篆印璽旗幡所用四曰八分石經碑碣所用五曰隸書典籍表奏公私文疏所用則程說信矣又庾肩吾書品曰隸書今之楷書也張懷瓘六體書論云隸書者程邈造字皆真正亦曰真書孫過庭書譜曰元常精於隸伯英工於草逸少兼之皆以真行書為隸趙明誠跋東魏大覺寺碑陰云古大覺寺碑陰題銀青光祿大夫韓毅隸書蓋楷字也今得此記厥證不孤矣

張光祿等書白

身高一尺一寸二分廣五寸五分四行字數大小不等正書

同州武鄉縣□□張光

祿等供膳郭宅洛住顯

與坊館西北角去五十步

大業元年三月廿五日身死白

此蓋因郭死而白衆以防禍也其大業業字今為劃痕所亂殊不可辨其他年號又無相合者今以同州武鄉縣證之確知為大業武鄉縣三字亦漫漶難辨則又以大業互證而得之蓋同州及武鄉縣均西魏始置至大業初改州為馮翊郡縣為馮翊縣自是武鄉之名遂以不復攷煬帝改州為郡在大業三年此刻在元年其時固猶未更也

李淵為男造像記

石高一尺四寸五分寬二尺九寸行九字字徑一寸弱正書左

鄭州刺史李淵為男世民曰惠先於此寺求仙蒙仙恩力其患得
損今為男敬造石碑像一鋪願此功德資益弟子男及合家大小
福德具足永無灾郭弟子李淵一心供養

大業二年正月八日建立

華堂住持沙門 壽全 重刻

樊世亨刊

隋李淵為子世民祈疾疏此唐高祖也後署大業二年正月八
日按是時太宗才九歲耳

明趙燏石墨錄華

按新唐書高祖于大業中歷岐州刺史滎陽樓煩二郡太守召

為殿內少監衛尉少卿舊唐書大業初為滎陽樓煩二郡太守
徵為殿內監而于大業之前累轉譙隴岐三州刺史並未嘗云
為鄭州也據疏可以補二書之闕仙字古今字書所無鎮江甘
露寺梁鐵鑊銘佛字皆作仙葉夾苞金石錄補

此隋大業二年正月八日刻也石方廣尺許在鄆縣草堂寺非

原石乃元寺僧重刻未佳

林伺來齊金石攷略

高祖于隋歷譙隴岐三州刺史大業中為滎陽太守此云鄭州

刺史當即是守滎陽時所造

畢沅中金石記

按太平寰宇記鄭州條下云高齊天保七年廢成臯郡入滎陽
郡屬北豫州為滎州領郡如故隋開皇三年罷郡改滎州為鄭

州十六年於管城縣分置管州煬帝二年廢鄭州仍改管州為鄭州三年廢鄭州復為滎陽郡此碑立于大業二年正月其時鄭州尚未廢高祖已守於此州其後乃有滎陽郡之稱新舊唐書隸括其辭謂大業中歷滎陽樓煩二郡太守蓋滎陽即鄭州總記其在後之稱曰滎陽書碑時則為鄭州也似非史闕

萃編

王祖金石

朱妃造玉像

佛座高二寸五分竊寬五寸七分上刻佛像二軀記六行第二行五字餘俱四字字徑四分強弱不等正書

大業二年七月廿六日佛弟子朱妃為先亡父母敬造玉像一軀甄大伽造玉象

佛座高一寸六分寬五寸北六行前四行行四字後二行行三字字徑四分正書

大業二年九月三日甄大伽為亡息同林造玉象一區

蔡府君妻張夫人墓誌

石高一尺八寸五分寬一尺八寸二十六行行二十六字字徑六分正書有墓額

隋邯鄲縣令蔡府君故妻張夫人墓誌銘并序

夫人諱貴男范陽方城人也軒正誕聖化表垂衣炎漢膺圖謀宣
帷幄七葉聯富平隆其世祀三台炳耀壯武光其弼諧故能
闢斯興名器不絕祖綰梁侍中尚書左僕射儀同三司位居論道
功佐五臣父尤陳給事黃門侍郎廷尉卿譽表平反連華九棘夫
人多稟濟深早標令問藝闈詩禮宣勞陌氏之功業脩肇絳非因

女史之訓太父儀同府君深所愛賞錫名貴男年廿歸于蔡氏結
襦表飾重錦增暉羃酒陳其肅恭咸監宣其匪懈閨門仰則保姆
推賢每時選拜覲言歸異室未常不流涕歔欷悲纏左右同堂姑
即梁明帝之右盛持風範夙挺柔明內外親屬罕能會意爰自清
宮旋駕淮海夫人拜見之辰即蒙賞異特加褒獎稱為女師乃賜
銀口筋一具以彰殊寵既而金湯失險關河飄寓劬勞杼軸少選
不違便煩箕帚夙夜無怠誨諸子以義方睦宗親以柔順豈復從
里和教斷織垂訓而已哉蔡侯述職邯鄲夫人從任全趙降年不
永奄同過隙大業元年九月廿八日終於官舍春秋五十六高堂
寤漢終無挾瑟之期廡下悲涼寧逢舉案之日夫人稟氣清明卑

躬節儉不尚妍華罕言世利志懷潔素雅性沉嘿無矜塙絕毀譽
靡恪奉握恭事親表執筭儼然閤門可則加以竭誠妙法攝心正
道食甘蔬菲味革膾脰凡有資財咸從檀施仁壽無徵卜遠斯及
以二年十二月廿九日遽歿于涪州邯鄲縣孝義鄉言信里之原
搖落寒山獨有銷亡之桂寂寥湘渚空添便娟之竹牛闕遐險迴
丹旒而無期鷺濤悠湯駕綃幕而方阻式寔他鄉敬鐫沉石其銘
曰 珪璧含潤蘭桂有芳昭哉懿德泝慎斯彰業殫糾組學
貫緹緗穠華易匹婉媼難方作配高門式調中饋敬愛無闕言容
咸備爾稷禱禱遠他簪珥薰脩八解精研十地法雨斯沾慈雲可
庇居諸忽往風燭難留俄悲撒瑟遽切歲舟無期反葬徒懷首丘

梁毅掩日扇似逢秋□深月隱龍晦雲浮三泉永固千載名流
按張夫人祖綰梁書南史竝增張緬傳誌敘綰官梁侍中尚
書左僕射儀同三司左僕射兩傳竝作右僕射其加侍中梁
書有南史無儀同三司則梁書南史皆無之誌作於大業初
距綰之卒約計才四十年當時見聞較確唐代史官所述未
若誌為切近矧誌下文又有大父儀同府君云云則尤必非
無據矣夫人父尤仕陳至廷尉卿綰兩傳祇增見次子交尚
簡文弟十一女而不及長子大約即尤無疑可據誌補史之
闕誌云同堂姑即梁明帝之后明帝即簡文帝侯景弑帝偽
諡曰明誌文僞述舊君過沿用逆臣偽諡不用承聖追崇之

謚殊不可解

按新唐書宰相世系表蕭簡文張后於史無徵
晉後梁明帝亦不稱簡文蕭簡文張后於史無徵

唯梁書太宗十一王列傳云張夫人生新興王大莊南史梁

簡文帝諸子列傳同張后即張夫人後冊為后也据梁書簡

文王后薨于大清三年三月其年五月簡文即位張后冊立

或在是時史筆丁此觀觀時變錯綜南北掣挽穎禿不遑暇

給糶事少疑可無責焉誌稱后爰自渚宮旋駕淮海夫人拜

見即蒙賞異乃賜銀七筋一具蓋自土囊慘變攀髯莫及張

館出奔江陵湘東王承制授侍中左衛將軍后不得已亦歸

甯外氏依館臣居誌云自渚宮旋淮海即后從建康赴江陵

碣證由是夫人得蒙銀七筋之賜作誌者特筆著之竝稱后

盛持風範夙挺柔明要有深指詎特為夫人增重而已其敘次金湯失險開河飄寓在夫人拜見蒙賜後以見后歸依館在梁社未屋之先夕別苾塗朝甯蘭邸史臣載筆未有若斯微婉者也又梁書綰傳載綰年六十三而不詳其卒年萬季野梁史表斷為承聖三年十一月卒儻終殊甚綰為纘弟以梁書纘傳及周書蕭譽傳互勘之纘見殺於太清三年年五十一當生於南齊永元元年綰若卒於承聖三年則以年六十三推之必生於南齊永明十年先永元紀元七年不宜弟長於兄也据志夫人卒於大業元年年五十六實生於大寶元年當承聖三年才五歲耳誌謂為綰所愛錫名貴男而殺

之蕤嫻詩禮業脩繫紱之下是時夫人宜將及笄若館於承
聖三年已卒則五齡雛女何有於詩禮繫紱之云而緣是得
蒙愛賞錫名庠以誌證史季野之誤斷狀矣金石文字之傳
其為裨益史學豈淺鮮哉按周書蕭瑄傳瑄之在藩及居帝
在天和建德間志云葬於洺州邯鄲縣孝義鄉言信里之原
蕭瑄嗣位後矣

隋書地理志邯鄲縣屬武安郡而武安郡下注云後周置洺
州永年縣下注云大業初置武安郡此墓誌立於大業二年
十二月尚稱洺州邯鄲縣則武安郡之置必在大業三年已
後此亦與史注相發明也錫於素清改州為郡本在
大業三年史固有明文也

張或息造象記

石高一寸六分廣六寸七分
十六行行四字正書

大業四年八月十五日佛弟子張哉息君卿為亡夫高洪但敬造
雙觀音像一區上為 皇帝陛下後及師僧父母所願亡過見存
□沾□□同登妙果

右造象已著錄於趙之謙補寰宇訪碑錄其云張哉息君卿
當為張哉之女名君卿者為其亡夫造象古人子稱息女稱
息女此特媾字耳哉即貳字

董穆墓誌銘

石縱橫各一尺四寸并其方上角數
缺十四行行十七八字不尋五書

大隋大業六年歲次庚午十一月戊午朔三日庠申襄城郡汝南

縣前主簿墓志序

諱穆字世華出自龍西原胄所基因于夏右昔□棘廿五子得姓
十有四人天子建德因生賜□其後或以謚為族或以字為氏謚
法成功故用董姓為宗焉十二世祖淦于真官世擅豪雄影附魏
室曾祖顯平吳將軍孝文卜洛移籍東都祖賢齊為上士永熙之
世失據至此身子穆任縣主簿積善無徵盛年棄世去開皇三年
五月終于輔城以大業三年四月五日母閔復背宗親君切內外
傷情隣友報春舊泯罷市始終長□□亟有期願瞻日月會歸玄
寢大業六年十一□□□□□主城西北二里易卜此地安厝大吉
□□□□□人安所葬此墓不勝悲哉業存銘采

按隋書地理志襄城郡承休縣下云舊曰汝原大業初改曰承休置襄城郡又郊城下云開皇十八年改汝南曰輔城大業初改輔城為郊城穆以開皇三年終於輔城開皇初不得有襄城郡且不得有輔城也此志署首蓋據大業六年郡縣而言杜氏通典職官門主簿自漢以來皆令長自調至隋始置之元和姓纂黃帝之後有甄叔安生董父舜賜姓董氏與左傳合唐書宰相世系表董狐裔孫翳項羽封為翟王都高奴子孫遂居隴西又仲舒少子之孫自廣川徙隴西是隴西郡望有二董也志文言因於夏后據左氏昭公二十九年傳夏后賜姓御龍乃劉累非董父此文顯誤穆之曾祖顯祖賢

史俱無考平吳將軍魏書官氏志亦無此號孝文遷洛則太和十九年也上士之稱為後周盧辨依周官所定齊不當有之疑賢齊二字是其祖名其曾祖在遷洛之前則其祖亦當仕於魏代觀下文始及永熙之世可見但元魏亦無上士之名當俟詳攷永熙之世謂高歡討爾朱兆之亂公卿人士在洛陽者茫無所依故云失據也君切之君微缺其上應是窘字宗親窘切正與下為偶句末云業存銘采不審為何語疑采乃粵字之譌左方當有銘詞失去不可考矣文中因作因后作右氓作泯葬作壘皆別字

錫胎案此誌標題但稱墓志序高廣適均亦非斷缺則似

僧志修塔述

石高寬各七寸十二行行十二字字徑四五分正書

大隋大業八年歲次壬申六月丁丑朔十三日庚寅上柱國岐州
刺史正義公孫志修塔述 僧俗姓鄭本開封人生有宿因長及
剃度於文珠禪院心：絕跡生死已空每：性定思遊淨域于大
業五年挂錫廣陵不期幻身魔：未除至□年圓寂揚州江陽縣
道化坊九華禪院享齡三十有二即以當年秋七月戊寅六日於
塔院東吳方地內聊志塵俗記其年代以存不滅

按此塔記也不曰塔記而曰塔述標題甚新可采入金石例
以祖之官冠於孫之名之上唐調露元年管真慕誌即仿此

例隋書地理志江都郡江陽縣舊曰廣陵開皇十八年改為
邗江大業初更名江陽此塔記作於大業八年是時邗江已
改江陽故曰圓寂揚州江陽縣也

寶梁經石刻

石高一尺九寸廣四尺五寸二分九十行行三十六字正書

佛說寶梁經沙門品第一

如是我聞一時佛在王舍城耆闍崛山中與大比丘衆八千人俱
菩薩摩訶薩萬六千人皆不退轉於阿耨多羅三藐三菩提盡是
一生補處悉從十方諸佛世界而來集會於時摩訶迦葉白佛言
世尊所言沙門云何為沙門佛告迦葉所謂沙門者穿滅故調伏

故受教故忒身淨故入禪定故得智慧故解如實義得解脫故於
三脫門无所疑故安住聖人所行法故善備四念處故離一切不
善法故安住四正勤故善備四如意足故成就信根故信佛法僧
故成就堅信於佛法僧故不信餘道法故勤行離一切煩惱故善
備七善法不離一切不善如實備一切善法故善知正念正智方
便故專念一切諸善法故善知定慧方便故成就五力故不為一
切煩惱之所亂故善備七菩提分故善知一切法中緣方便故善
知聖道方便故善知正見正定方便故得四辨力不信外道故依
義不依語依智不依識依了義經不依不了義經依法不依最後
身故離生死道故離一切受故勤行知苦斷集證滅脩道故善見

四聖諦故於佛法中不信餘道故所作已辦故斷一切漏故備八
背捨故釋梵天王之所讚故從本以來專心行道故樂阿蘭若處
故安住聖法中故樂佛法儀式故心不傾動故不親近出家在家
衆故心樂獨行如犀角故畏於人衆多惚亂故樂住獨處故常怖
畏三界故得寶沙門果故離一切怖望故離世八法故所謂利衰
毀譽稱譏苦樂堅心不動如大地故護彼我意无所犯故不濁故
正行故成就如虛空故於諸形相心无染著如空中動手无所闕
故迦葉若能成就如是行法是名沙門尔時摩訶迦葉白佛言世
尊未有也如來善說沙門德行世尊若未來世有諸沙門非實
沙門自言我是沙門非梵行人自言我有梵行如是之人即已侵

損如來無量阿僧祇劫所備集阿耨多羅三藐三菩提佛告迦葉
如是侵損如來菩提之罪說不可盡迦葉我滅度後汝及餘大弟
子等亦皆滅度又此世界諸大善皆至他方諸佛世界今時於我
法中當有比丘於諸王行心多諂曲迦葉我今當說沙門之垢沙
門過罪迦葉後未法中當有比丘不備身不備戒□備心不備慧
癡如小兒向於闇冥而无所知心不調伏成沙門垢迦葉云何沙
門垢迦葉沙門垢有世二出家之人所應遠離何等世二欲覺是
沙門垢瞋覺是沙門垢恚覺是沙門垢自讚是沙門垢毀他是沙
門垢眼求利養是沙門垢因利求利是沙門垢損他施福是沙門
垢覆藏罪過是沙門垢親近在家人是沙門垢親近出家人是沙

門垢樂於衆內是沙門垢未得利養作方便求是沙門垢於他利
養心生怖望是沙門垢自於利養心不知足是沙門垢他利養中
心生嫉妬是沙門垢常求他過是沙門垢不見己過是沙門垢於
解脫貳而不堅持是沙門垢不知慚愧是沙門垢无恭敬意心慳
調動无有羞恥是沙門垢起諸見使是沙門垢遂十二緣是沙門
垢攝取邊見是沙門垢不寤滅不離欲是沙門垢樂於生死不樂
涅槃是沙門垢好樂外典是門源垢五蓋覆心起諸煩惱是沙
門垢不信業報是沙門垢畏三脫門是沙門垢謗深妙法不寤滅
行是沙門垢於三寶中心不尊敬是沙門垢迦葉是名沙門卅二
垢若能離此諸垢是名沙門迦葉又有八法覆沙門行何等八一

者不敬順師長二不尊敬法三不善思惟四所未聞法聞已誹謗
五聞无衆生无我无命无人法已心生驚畏六聞一切行本來无
生已而解有為法不解无為法七聞說次第法已墮大深處八聞
一切法无生无性无出已而心迷沒迦葉是名八法覆於沙門如
是八法出家沙門應當遠離迦葉我不說剃頭法服名為沙門所
謂有功德儀式具足者乃名沙門迦葉沙門身服袈裟心應遠離
貪恚癡行何以故心无貪恚癡行我乃聽著袈裟迦葉若心有貪
恚癡法而身著袈裟除專心持戒餘不持戒人則為燒滅袈裟何
以故聖人表式隨順寂滅行慈悲心離欲滅者之所應服迦葉汝
今聽我說聖人表式有十二事何等十二迦葉持戒是聖人表式

禪定是聖人表式智慧是聖人表式解脫是人等表式解脫知見是聖人表式入四聖是聖人表式解十二緣是聖人表式行四无量心是聖人表式行於四禪是聖人表式行四无色定是聖人表式入四句心定是聖人表式斷一切漏是聖人表式迦葉是名聖人表式迦葉若有比丘不具聖人表式身服袈裟原者我說此比丘是耶法行非寂滅行離佛法行不近涅槃順生死行為魔所鈎不度生死於正法退而行耶法迦葉是故出家比丘身服袈裟時若未得沙門果者應以八法敬重袈裟何等八於身袈裟應起塔想世尊想寂滅想慈想敬如佛想慙愧想今我來世離貪恚癡具沙門法想迦葉是名八法敬重袈裟迦葉若有於四聖種不行知

足離沙門法亦不以此八法敬重袈裟者而彼別有似沙門數墮
小地獄迦葉彼地獄中似沙門者於中受罪衣鉢枝體皆悉熾燃
坐卧之處凡所用物亦皆熾燃如大火聚似沙門者受如是罪何
以故成就不淨身口意業故墮是罪處迦葉若非沙門自言我是
沙門非梵行者自言我有梵行若有持戒功德具足人所右遶恭
敬尊重者若破戒比丘受其禮敬供養而不自知惡彼惡比丘以
是不善根故得入輕法何等八一作惡癡二口瘡啞三受身瘞陋
四顏狼醜惡其面倒廣見者蚩咲五轉受女身作貧窮婢使六其
形羸瘦反損壽命七人所不敬常有惡名八不值佛世迦葉是破
戒比丘受持戒者禮敬供養得如是八輕法迦葉破戒比丘聞如

是法已應當不受持。貳比丘禮敬供養迦葉。若有非沙門自言我
是沙門。非梵行。自言我有梵行。於此大地乃至无有涕唾。亦處况
舉足下足去來。屈申。何以故。過去大王持此大地。施与持貳。有德
行者。令於中行道。迦葉。是破貳比丘舉足下足處。一切信施不及
此人。况僧坊及招提僧舍。經行之處。若有房舍。床敷。蘭林。所有衣
鉢。卧具。醫藥。一切信施。所不應受。迦葉。我今當說。若有非沙門自
言我是沙門。非梵行。自言我有梵行。不能必報信施如一毛端。何
以故。聖衆福田。猶如大海。最妙最勝。於中若有施主。淨心信。故以
施種子。種福田中。而此施主。起无量施想。迦葉。若有破貳比丘。如
尔一毛。以為百斤。若惡比丘。受信施如一毛分。隨所受。毛分即損。

失施主余所大海福報之不能畢報迦葉是故應淨其心受他
信施迦葉應如是學余時衆中有淨行欲離厄比丘二百人聞說
是已收淚而言世尊我今當死不欲以不得沙門果受他信施乃
至一食佛言善哉善哉善男子汝如是慙愧畏於後世喻如金剛
即是現世瓔珞善男子我今當說世有二人應受信施何等二一
慙行精進二得解脫者佛告比丘若有比丘得解脫者行善法者
如我所說堅持戒者觀一切行无常苦一切法无我者觀涅槃寂
滅願求欲得如是比丘受他信施揣如須弥必能報是信施之福
若有比丘受施主施令此施主得大利益得大果報何以故常生
福德有三種一常施食二僧坊舍三行慈心此三福中慈心最勝

佛告比丘若有比丘從施主受施若衣鉢卧具飲食湯藥受已若入无量定令彼施主得无量福得无量報迦葉譬如三千大千世界所有大海尚可竭盡而此施主所得福報不可得盡迦葉知破戒比丘損於施主余所福德若受施主施已行於惡法損他信施迦葉如是說沙門垢沙門過罪沙門諛曲沙門中賊迦葉持戒比丘應當專念遠離如是一切惡法迦葉所謂沙門者眼不派色中耳鼻舌身意不派法中是故謂之沙門撰擇六入了達六通專念六念安住六敬法行六重法是謂沙門

比丘品第二

尔時佛告迦葉所言比丘比丘者能破煩惱故名比丘破我想象

生想人想男想女想是謂比丘復次迦葉有備貳智慧是名比丘
復次迦葉離忍畏故度三有四流故見有及流謂過患故離一切
有及流故安處无畏道故是名比丘迦葉若有比丘自知不成如
是之法及餘善法又離是法行於餘道迦葉彼比丘非我弟子我
非彼師迦葉多有惡比丘壞我佛法迦葉非九十五種外道能壞
我法亦非餘諸外道能壞我法除我法中所有癡人此惡人輩能
壞我法迦葉譬如師子獸王若其死已虜狼鳥獸无有能得食其
肉者迦葉師子身中自生諸虫還食其肉迦葉於我法中出如是
等諸惡比丘貪惜利養為貪所覆不滅惡法不脩善法不離妄語
迦葉如是比丘能壞我法迦葉有四法成就當知是惡比丘何等

四貪恚癡及我慢者是名惡比丘復有四法成就當知是惡比丘何等四傲慢自大无慙无愧不慎口過是名惡比丘復有四法成就當知是惡比丘何等四挑動輕他貪求利養多行非法是名惡比丘復有四法成就當知是惡比丘何等四多有姦偽幻惑於人多行耶命多說惡言是名惡比丘復有四法成就當知是惡比丘何等四現受他恩不知報之小恩於他責望大報先受他恩而不憶念侵損親友是名惡比丘復有四法成就當知是惡比丘何等四受人信施失他福報不善護式輕所受或不堅持律是名惡比丘復有四法成就當知是惡比丘何等四有我論有衆生論有人論有人論是名惡比丘復有四法成就當知是惡比丘何等四不敬

佛不敬法不敬僧不敬戒是名惡比丘復有四法成就當知是惡比丘何等四若僧和合而心不悅不樂獨處樂於衆中常論世俗所有言說是名惡比丘復有四法成就當知是惡比丘何等四求於利養求大名稱求多知識不佳

右經僅存此第一石凡三千餘字毫無缺損鐫刻如新洵足為藝林之寶昔王蘭泉得風峪華嚴經拓本不及全文三分之一然以其為北齊時物稱為可珍然則此經雖未覩完裘又何憾乎房山石刻妙法蓮華經朱竹垞攷定以為刻之自隋王蘭泉所引其友查君之言並以為即隋靜琬法師所刻今觀此經書法與房山佛經同中有異異中有同其為隋刻

無足疑者然房山佛經書雖秀整其結體稍落蹊徑此刻筆
既道健而字裏行間尤多逸氣不似彼過於縝密轉覺有意
求工者是又在妙法蓮華之上矣

房山佛經殘石

高廣各存一尺一行一寸七分八分十六行前九行行十六字後五行
十七字又後一行一寸五分末行十六行全字八行字正書

經文不錄

張平吳等造象記

石高七寸廣三寸三分兩面造象記與題名分刻兩側側厚僅
二寸許殘缺特甚上復刻花紋正書

目 缺六字 士三 下缺 嵩 缺四字 減割 穴 浴 下缺 世力 □ 未 佛 壹 區

為十 下缺 毋 隄 局 在 劫 依 綠 鞞 罰 下缺 衆 生 離 苦 尋 洛 龍 花 三 下

缺
功出世願在初首□□
下缺

弟子張平吳

弟子張羊奴

日
下缺

弟子張雙熾

弟子景伯妻□□
下缺

弟子張曲熾

弟子□傷⁺
下缺

上缺
万易

弟子張_{下缺}

大悲菩薩觀

觀高一尺二寸六分半寬九寸六分半字徑二寸八分正書陰文

大悲菩薩

韋匡伯墓誌_{偽鄭州}

石高寬各一尺三寸七分弱二十二行行二十二字字徑五分
正書有基格蓋高一尺二寸三分寬一尺二寸六分三行行三
字字徑三寸五分篆書

魏故大將軍虞公之銘

蓋

鄭故大將軍舒懿公之墓誌銘

君諱匡伯京兆杜陵人帝高陽之苗裔也在殷作伯開命氏之源
居漢為相違光家之美自茲綿歷剋峻前基並詳諸篆素無待稱
矣曾祖旭司空文惠公祖孝寬太傅鄭襄公父恣柱國京兆尹河
南貞公並位尊望重國貞朝幹君膺慶上靈□而岐嶷因心孝友
稟性溫恭容衆愛仁輕財重義年十二封黃瓜縣開國公嚴祖封
鄆國公食邑萬戶公之母弟尚書宣公主女弟為元德太子妃而

公高門鼎盛台輔繼踵有隋之貴一宗而已大業七年陪魔遼左授朝散大夫俄遷尚衣奉御侍從乘輿密勿帷扈十二年□幸江都十三年四月廿七日邁疾薨于江都行在所春秋卅有四自皇鄭膺錄應選德門作配儲后媵公長女為皇太子妃乃下

詔曰公門著嘉庸夙叅榮列不幸殂沒奄移歲序言念□賢宜加寵錫可贈大將軍謚曰懿公祀也於時翠洛□□峭函尚阻鄉關遙邁日月有期以開明二年七月廿□□權殯于洛陽縣鳳臺鄉穀陽里陵谷非固盛德宜傳因茲錫勒以貽永久其詞曰

台階麗象山岳降靈人膺天秩世著英聲家風不墜令德挺生學該入室禮備過庭優遊戚里出入承明三江遙邁万里徂征素車

俄反丹旄空縈崩松永歎埋玉傷情松風暮起蕪露晨零勒茲翠石用紀鴻名

右偽鄭韋匡伯墓誌蓋稱虞公標題稱舒懿公虞舒竝封地懿謚也誌稱虞公帝高陽之苗裔在殷作伯開命氏之源居漢為相建光家之美按新唐書宰相世系表韋氏出自風姓顓頊孫大彭為夏諸侯少康之世封其別孫元哲子豕韋豕韋大彭逸為商伯故曰在殷作伯也居漢為相指韋賢韋玄成漢時竝為丞相表稱韋氏鄭公房文惠公旭次子叔裕字孝寬隋尚書令鄭襄公六子謀總壽齊津靜號鄭公房總字善會後周京兆尹河南貞公次子匡伯隋尚衣奉御舒國懿

公与誌竝合孝寬北周書有傳少以字行唯無官太傅之文
當是贈官傳闕旭見孝寬傳贈司空与誌合總見萬姓統譜
不云官柱國載籍与碑誌往往詳略不同誌云匡伯年十二
封黃瓜縣開國公謹按 大清一統志黃瓜故城在今甘

肅秦州西南魏書地形志黃瓜縣真君八年置隸漢陽郡隋
書地理志天水郡冀城注後周曰冀城縣廢入黃瓜縣大業
初改曰冀城匡伯卒於大業十三年春秋卅有四其年十二
當開皇五年是時黃瓜縣猶未改冀城縣也大業七年陪慶
遠左授朝散大夫据通鑑是年二月壬午下詔討高麗四月
庚午車駕至涿郡之臨朔宮文武官從九品已上竝令給宅

安置匡伯授朝散大夫當在是時明年三月癸巳上始御師
進至遼水匡伯隨扈行聞耳十二年口字是幸江都道鑑是
年七月甲子帝幸江都匡伯蓋隋煬侍從近臣六七年間無
日不陪奉乘輿也匡伯女弟為元德太子妃按元德太子韋
妃生恭皇帝見隋書本傳至偽鄭媯匡伯長女為偽太子妃
偽詔寵飭事在匡伯卒後二年未可以附逆專之匡伯殯於
洛陽縣鳳臺鄉穀陽里穀陽穀水之陽也穀水源出澠池東
東流合澗水徑新安縣南又東至洛陽縣西南入洛